

台浦縣東北二百八十里曰歸德圖錯雜粵西五州縣中四面崇山峻嶺奸宄出沒爲民害明成化間都御史韓雍勦大藤峽賊調永豐狼獾土兵守要隘卽以逃亡拋荒民田分授狼獾且耕且守此土兵所由來也其人習於槍礮遇賊敢殺夙稱勇悍第歷年既久其田輒轉典售半失故額乾隆癸酉署兩廣總督班第按臨廉郡巡閱營伍以永平地方爲獾童（犬旁）出沒之鄉周圍三百餘里最關緊要曾清查狼獾軍田以收巡防實效知府周碩勳因永平盜賊充斥飭令巡檢督率狼獾土兵緝捕因而宵小斂跡著有成效迄今又七十餘年矣竊恐歷年久遠稽查易疎復蹈前轍所宜清查軍田冀復故業而收實用焉

附班第清查狼獾軍田奏

爲清查狼獾軍田以收巡防實效事竊廣東廉州府屬合浦縣之永平司巡檢所轄地方距縣二百八十里周圍約三百餘里與廣西橫州貴縣興業營林博白等州縣壤界相錯爲狼獾出沒之鄉前明成化年間潯州大藤峽獾賊侵擾粵東永平地方經都御史韓雍討平之後將所領廣西狼獾土兵分守要隘撥田耕種蠲徭薄賦名曰狼田獾田終明之世各兵後人承田充兵糧餉不費地方足資守禦本朝初年尚存狼獾田一百四十三頃三十一畝零存兵二百四十二名緣有此項土兵是以三百餘里之內止設東界一塘安撥制兵三名其餘地方卡隘俱責令土兵防守迨歷年久遠未免稽察稍疎以致狼獾田畝多被土人誘騙典當兵數漸缺乾隆丁七年間廉州府知府周碩勳因永平地方多有竊牛之案飭令巡檢督率狼獾土兵緝捕因而宵小斂跡頗著成效該府因思土兵之存廢視軍田之有無狼獾田賦甚輕原爲養兵而設難容日逐私典以致土兵有名無實遂督同合浦縣核對賦役全書清出狼獾田畝地名坵段並查出私典數目授受姓名具文詳情請釐前督撫各臣批發布政司查議尚未議覆臣上年巡查廉州察勘情形雖據文武官稟請於永平司九汊河地方設汛安兵與東界汛稍資接應然地方廣闊仍應清查狼獾軍田以收土兵實用前於恭奏巡查各屬情形摺內聲明在案茲回省行催布政司石柱議覆前來臣悉心察核冊內典出之田共五十七頃二十二畝零止存田八十六頃九畝零現存兵二百一十一名其近年典出者或

每畝價至兩若康熙雍正年間則每畝價不過數錢兩許皆係土人明知此田不許轉售欺其違例私典輕價兼并但營業既久納糧有限獲息已多今酌議以十年為率十年以內者照原價取贖一年以外者減原價十分之一每十年遞減一分伍十年以外均照半價取贖自本年為始如有民人向狼狽私典授受照盜賣盜買官田例治罪倘狼狽內有貧乏不能守業者田歸本族及本地狼狽照例取贖不得外售與民仍責成合浦縣督令永平司巡檢不時親歷各鄉考驗各兵技藝冬令農隙則巡檢會同附近之石塘汛營弁傳集各兵操演訓練該處要隘地方派令巡防如有失事勤限緝賊倘遇匪類竊發并可誦遣以供援勦之用如此庶狼狽土兵不致日久廢弛地方亦收寧謐之益矣事關清理軍田整頓土兵以重地方臣謹具摺恭奏乾隆十九年三月

附周碩勳規畫狼狽土兵議

合浦縣永平司在廉郡西北三百六十里接壤廣西貴縣橫州與鬱林博白層巒疊嶂僻處萬山向為盜賊逋逃藪明世石庚守西寇從此而入前太守張公岳碑記云假令當是時先命一將提兵駐永平以扼其來路滅未必遂能深入者即此處也彼處原額狼狽土兵二百四十二名各挾鎗銃器械專司捕盜每年霜降赴巡檢司操演相沿已久近因狼狽失業兵亦在少查合浦賦役載狼狽田一百四十四頃一十八畝八分七釐除遷荒外實在一百四十三頃二十一畝七分一釐六毫例應攤丁亦無糧米考前明潯州大藤峽亂廉郡密邇粵西大遭荼毒成化間都御史韓雍平賊後凡各郡緊要隘口調遣廣西狼狽分布防守以靖餘孽即撥彼地荒田以俾之耕而銷其徭役此狼狽兵所自來也第閱巡檢司土兵冊載永平歸德圖三冬信立狼狽總一名狼目四名狼兵一百名八冬永豐狼狽總一名狼目五名狼兵一百名八冬山仔戶狼總一名狼兵三十名已上狼狽土兵通共二百四十二名歷今數百年猶係昔日狼狽後人承此一百四十三頃三十一畝有零之田以充土兵以為世業蓋彼先人當日荷戈禦寇故後裔猶得世食其土今狼狽各戶服先時者固不乏人而典當失業者亦復不少緣田

本膏腴糧賦又輕遂有豪強兼井之害碩勳以爲田存則兵存田沒而兵亦沒朝廷每年養兵以千百萬計原以保衛地方今此狼兵強兵不動絲毫公帑止將其現有之田而經理之無事則耕有事則調甚於地方有益請嗣後狼田強田如狼狽內有貧乏不能守業者准令本族承買如本族無力准令狼田仍歸強戶不許民間私相典買其有典當在民者照戶典旗地例如在十年以內者俱照原價取贖十年以外者每十年以次遞減如十年以外減一分二十年以外減二分三十年以外減三分四十年以外減四分五十年以外有概行減半取贖如此數年則狼狽盡返汶陽庶田在而兵亦在至授田原有多寡均請照舊毋庸紛更清楚之後總令按田出兵二十入伍六十歸農子繼其父弟繼其兄其田不許外售戶絕親房承替伊等各有所田園兵皆土著誠得知兵者從容訓練俾五人爲伍十人爲什以同鄉共井之疇敦睦睦任卹之誼一旦臨陣晝視旗幟夜聽聲音可聚可散仍可聚而終不可亂設有緩急如手足之捍頭目子弟之衛父兄安有土兵遂遠避召募之兵哉以從前現有之規制而任其湮沒殊爲可惜倘芻蕘可採必公家無養兵之費而地方有捍禦之功誠祈核奪乾隆十六年十二月

三冬信立狼防守各關口

牛藤關 與廣西柳州連界 原額派狼總一名 狼兵四十六名

馬頭關 與廣西貴縣連界 原額派狼二一名 狼兵一十五名

已上二關現各派狼兵五名

水壩關 屬內地附近永平司署 原額派狼目一名 狼兵二十四名

冷水關 屬內地附近永平司署 原額派狼目一名 狼兵二十三名

已上二關現各派狼兵四名

八冬永豐狼防守各開口

風門關 溫湯關 沙黎關 三關俱內地附近永平司署 原額派狼總一名 狼兵四十二名

已上三關現各派狼兵四名

九叉關 與廣西興業縣連界 原額派狼目一名 狼兵二十名

沙尾關 與廣西貴縣連界 原額派狼目一名 狼兵二十名

騰河關 與廣西興業縣連界 原額派狼目一名 狼兵二十名

丹竹關 與廣西橫州連界 原額派狼目一名 狼兵二十九名

已上四關現各派狼兵五名

樟木關 與廣西興業縣連界 原額派狼總一名 狼兵三十名

現派狼兵五名

已上原額狼目兵二百七十三名名目名下大旗小差十八名不在數內通共狼猛兵二百九十一名道光八年清查狼

猛土兵名數共二百四十二名內撥出防守各開口兵共伍十五名

魏奮介曰三代之時容民畜衆其春蒐夏苗秋獮冬狩皆於農隙講武事戰國以後兵農判然爲二隋唐府兵最爲近古至張說變爲唐(弓旁)騎廣(弓旁)騎變爲藩鎮大抵皆召募之兵也宋革五代之弊其內外兵名有四曰禁軍曰廂軍曰鄉軍曰番軍熙寧三年王安石言於神宗曰先王以農爲兵今欲公私財用不匱爲宗社長久計當罷募兵用民兵乃立保甲授之弓弩教之戰陣彼時王拱辰抗言其害僅免下戶卒至公私勞攘有害無益司馬光始言於太后罷之大約保甲之法祇可稽察姦宄防備小寇卽授之弓弩教以戰陣乘城守禦則可若以當強悍不羈之勁敵未必有濟昔唐安史之亂雖以顏平原之忠義

張巡許遠之長於兵法終不能勦殺驅逐必郭子儀李光弼名將益以回紇之兵然後收復東京平定河朔當有宋積弱之餘罷募兵用民兵尚可以支持乎唐介謂好學泥古故議論迂闊此其一端也余幼時在明季團練鄉兵徒滋盜妨農究無實用司馬公罷之其有利於民也大矣又宋名臣言行錄載韓魏公嘗議及養兵事慨然曰養兵雖非古然積重難反其勢似不可廢亦自有利處昔者僉里民戍邊無虛日父子兄弟有生離死別之慘議者但以不如漢唐調兵於民獨不見杜甫石壕吏一為調兵於民其弊至於此極後世既收剝悍無賴之徒養以為兵良民雖出賦稅以飼之而終身保骨肉相團聚豈非兩便按此則用民為兵之說亦屬難行明初設五軍都督府錦衣衛等十三衛親軍規畫屯田兵皆土著可耕可戰猶有府兵遺意數傳率以勳戚子弟濫廁戎行軍實遂隳蓋立法之始未有不善日久奉行不得其人而寔失初意弊乃因之要亦以治人之與治法相輔而行雖萬世遵守焉可也

右採錄府志

附周碩勳廉營營制議

為備陳營扼要情形斟酌裒益以嚴守禦事廉州府知府周碩勳廉州營遊擊孫爾桂會議得廉營分防台靈二縣東西北三面接連粵西周圍七八百里詳考志乘世遠西寇之害即以有明一代而論景泰二年西省山獠寇合浦三年又劫石康天順三年擄靈山石隆堡五年掠合浦百勞村成化三年西賊陷石康知縣羅紳死之而石康之歸併合浦實自此始正德七年西賊廖公廣寇合靈嘉靖十年十二年西賊兩劫靈山縣庫萬歷七年廣西狼賊黃璋第羅和尚寇靈山按自景泰至萬歷中間一百二十八年寇警頻聞至萬歷八年設山防通判指揮各一員建營安兵於靈山縣之石塘堡以扼要地自是終明之世計六十餘年山海之亂全在欽州而合浦靈山稍稍休息矣國朝順治十年靈山又有西賊方朝鸞之亂十三年又有陳志祿之亂靈山縣知縣徐尚介死之康熙十三年廣西流賊掠靈山西歸上及等村康熙十七年叛鎮祖澤清逆黨郭儀劫靈山十

八年始討平之自康熙己未底定後合靈兩縣之民生享昇平之福至今垂八十年矣伏思治不忘亂安不忘危亟宜隨時整飾以防患於未然竊嘗論康屬負山瀕海海防固屬緊要而山防亦未便置之度外考明世山寇最劇於景泰成化間是以明大學士邱文莊曰嶺海之亂極矣而海北三郡為甚就一郡論而康為尤甚又曰往時所備者海慮自外來也今也廣右峒蠻乘我不備越境以為腹心之害則寇又自内生焉三復斯語指陳利害深切著明康營汛地與西省宣化永淳橫州貴縣興業營林博白七州縣犬牙相錯原設官兵一千零八員名凡以防西寇也乃自康熙三十五年至雍正九年節次裁去一百七十二員名歸諸三江協化石營今除養廉公費實在官兵僅七百六十有四地方遼闊汛設兵單前者陸續裁減祇以承平日久謂地方無關緊要殆未嘗統論古今熟籌利害也查康營東北兩面與宣化永淳接壤者俱靈山屬地所設汛防尚覺周密且與欽營聲勢相聯姑無庸議惟西北兩面接鄰西省橫州貴縣興業為合河永平司地方周遭三百餘里並無汛地止設東界一塘安兵三名於合浦極邊貴縣交界之土狗墟距郡城四百餘里設有不虞兵寡路遙聲息阻隔洵所謂雖鞭之長不及馬腹者也爾桂通歷永平司所屬與西省毗連處俱層巒疊嶂前明設有九汛等十二關皆據險立營置木柵以鎖諸山隘蓋自石康失守建此以遏西寇者及今開址形跡猶存考邑乘原派狼兵分地防守然狼田典賣殆盡狼兵缺額日多此乾隆十六年十二月內碩勳曾有清查狼田之請即其處也竊以數百里要地僅委之一塘三兵雖有永平司巡檢一員駐極遠之西北隅亦孤弱寡援謹通盤籌畫應於九汛河設九汛汛安兵十六名派外委一員領之迤西十五里即原設之東界塘也除額兵三名外應添兵五名請以東界塘改為口界汛此兩處乃由西入東之門戶必須安兵設汛以扼其吭再迤西六十里為石塘堡即前明萬歷間通判指揮駐劄處城基尚存土人呼為石塘營是也今既設石塘一汛汛房即通判署基爾桂周覽形勢彼處乃由西入東之總匯為靈山之保障靈叢中忽撤平陽廣闊十餘里美田疇饒米穀當年安營於此實為可戰可守之地倘將從前裁去之官兵一百七十有奇駐劄石塘而以都守領之則東距九汛汛七十五里距東界汛六十里西南距靈山城八

十里東南距永平司六十里彼此聲援互相犄角不獨靈山足資捍禦而郡城亦聲息相通惟是已裁者難以議復惟有將石塘汛移駐千總一員除額兵一十四名外再添撥馬步兵一十四名馬三匹所有新設之九汊東界兩汛統歸該千總管轄此雖不能全復舊制亦庶乎控禦得宜已上應添千總一員馬步兵三十五名馬三匹亦無庸額外請增即在本營內權其緩急衷多益寡今查大觀港之東礮臺八字山礮臺雖在濱海竟係陸路止於防守內港向未設有戰船且東礮臺與龍門水師西礮臺僅隔一海港兩相對峙今西礮臺現設水師把總一員安兵七十六名拖風船一隻而廉營東礮臺復設千總一員安兵三十八名似屬過多今應於東礮臺抽兵二十名止留十八名又所屬八字山礮臺距郡城僅十五里而貼近水師之三汊汛現設千總一員配兵九十五名拖風船二隻快馬船一隻而廉營又駐外委一員額兵十四名亦似過多今應於八字山礮臺抽兵四名止留十名又府城頭塘兵三名靈山頭塘兵二名止於遞送公文然逼近城垣守門兵可以代替此五名均可裁撥又清湖汛額兵二十六名可抽撥三名止留二十三名公館汛額兵二十三名可抽撥三名止留二十名均足有備無患已上共抽兵三拾伍。內撥十六名安入新設之九汊汛以伍名添入改設之東界汛以十四名添撥石塘千總汛應即以大觀港東礮臺千總移駐石塘而以八字山礮臺外委移駐大觀港至石塘現在外委請以移駐九汊汛如此一轉移間似佈置均為得宜矣再有請者汛兵防守地方塘兵遞送公文此營制也然汛遠兵單之地塘兵亦不宜過少是以設立望樓煙墩原欲藉此以資彈壓今各塘內有安兵僅二名三名者似宜酌量添增至五汛之處腹部與邊界不同安兵亦宜斟酌今查廉營自郡城東抵高州界計程一百七十里本係通衢又在腹部乃東路建設十汛二塘計馬步兵一百三十七名以視西北永平司地方周遭三百餘里雖本營四百餘里僅設一塘三兵豈非疎密失宜多寡倒置乎謹議酌減之數如東路十汛內請改汛為塘者六佛子汛額兵九名馬一匹應裁兵伍名裁馬一匹改為佛子塘福祿汛額兵七名應裁兵三名改為福祿塘山下汛額兵九名馬一匹應裁兵五名裁馬一匹改為山下塘火燒橋汛額兵八名應裁兵四名改為火燒橋塘平鴨汛額兵八名應裁兵

四名改爲平鴨塘塞羅汎額兵八名應裁兵四名改爲塞羅塘北路武利汎額兵十二名應酌減二名已上共裁去馬步兵二十七名請將每塘原安兵三名東路之石橋水井黃桅白水新寮茅山等六塘西路之上洋長坑新立烏泥南(虫旁)蛇芋蒙丹竹賣粥等八塘每塘各添兵一名共足四名之數又請每塘原安兵二名北路之多蕉車板響水廣榔官橋刀背水山心高橋豐塘等九塘每塘各添兵一名共足三名之數已上共添兵二十三名尚餘兵四名查郡城北路五十里之石康墟在昔原屬縣治又爲西省通衢向設塘兵二名實屬不敷請以所餘之肆名撥入石康改爲石康汎已上情形碩勳等屢次確勘必須彼此裒益庶多寡適宜所裁馬二匹再於存城內撥馬一匹共馬三匹撥給石康千總以備差操又查陸屋地方乃豐山縣水陸總匯上通南甯下達安南之江坪向設塘兵二名亦甚單薄前經爾桂詳請改塘爲汎將附近之吳屋汎抽兵六名撥入陸屋改爲陸屋汎前據該縣議覆具詳已由碩勳核轉矣相應仍照前議併案辦理應郡山海交錯除海防最關緊要外而各處俱緊接廣西狼童(犬旁)歷朝以來難治易亂竊思設兵原以衛民而綢繆要在未雨蓋一營卽有一營之情形一兵當收一山鄉兵之實效應營地廣兵稀一應佈置貴在扼要惟本地文武身堂其局知之最切謹按現在兵數確勘情形斟酌裒益以收軍實以捍地方似無逾於此者矣乾隆十八年八月

廉州營

遊擊一員 駐荷府城

中衛守備一員 存城

千總二員 一大觀港汎 一靈山城

把總四員 一存城 一清湖汎 一公館汎 一宋去汎

外委把總五員 一存城 一九汎汎 一張黃汎 一白沙汎 一武利汎

額外外委把總二員 一存城 一開口汎

馬戰兵七名步守兵共五百零一名坐馬戰馬共三十五匹

俸餉

游擊 歲支養廉銀四百兩 俸薪心紅紙張蔬菜燭炭銀二百三十一兩三錢四分 坐馬五匹料米草束銀四十四兩一錢

守備 歲支養廉銀二百兩 俸薪心紅紙張蔬菜燭炭銀九十兩零七錢七分 坐馬四匹料米草束銀三十五兩二錢八分

千總 每員歲支養廉銀一百二十兩 俸薪公費銀四十八兩 坐馬二匹料米草束銀一十七兩六錢四分

把總 每員歲支養廉銀九十兩 俸薪公費銀三十六兩 戰馬二匹料米草束銀一十七兩六錢四分

外委 每員歲支養廉銀一十八兩 餉銀二十四兩遇閏加二兩 戰馬一匹料米草束銀八兩八錢二分

額外外委與馬戰兵 每員名歲支餉銀二十四兩遇閏加二兩歲支糧米三石六斗 戰馬一匹春冬月支料米九斗夏秋月

支料米六斗凡米每斗銀七分共折銀六兩三錢歲支草束三百六拾束每束七釐折銀二兩五錢二分

步兵 每名歲支餉銀一十八兩遇閏加一兩 歲支糧米三石六斗折銀二兩五錢二分

守兵 每名歲支餉銀一十二兩遇閏加一兩 歲支糧米三石六斗折銀二兩五錢二分

庫俸公費等項派員赴庫東藩庫請領餉米料草等項派員赴高慶道庫請領

光緒間既設北海鎮總兵後現行營制如下

北海鎮

總兵一員光緒十四年奏請由陽江調缺駐劄唐城管轄電石欽防合靈等屬十一營合浦分左右親標二營

左營

中衛游擊一員駐筍廉城

守備一員駐筍廉城

千總二員 一存城 一小江汛 駐防張黃

把總三員 一公館汛 一九汊汛 駐防寨墟 一武利汛 靈山

外委六員 一存城 一石埔汛 一常樂汛 一新墟汛 吳屋石塘二汛 俱靈山

額外外委二員 一存城 一開口汛

馬步守兵共五百零一名

右營

都司一員駐筍廉城

千總二員 一存城 一大觀港汛 駐防西場

把總四員 一烏家汛 一北海汛 一南康汛 一陸屋汛 靈山

外委伍員 一存城 一福成汛 一西場汛 駐防沙岡協防大觀港 一高德汛 一那彭汛 靈山

額外外委三員 一存城 一八字山汛 一上洋汛

馬步守兵共四百零七名

左營分防地段

東至白水塘 距城五十里 又至佛子塘 距城六十里 東北至石康塘 距城四十五里 又至火燒橋溝水為界 南至文塔
 脚洗魚水溝水為界 距城八里 西至考棚前直街為界 北至城外北河為界
 全館汛 九汛汛 小江汛 已上官兵及四至里數俱見前左營統轄

塘兵

頭塘 石橋塘 水井塘 白水塘 石康塘 已上官兵及距城里數俱見前左營統轄並司傳遞公文

右營分防地段

東至考棚直街及福成汛界 南至八字山汛 西至上洋汛界 北至左營界及永康墟及洪潮東岸一帶
 北海汛 大觀港汛 烏家汛 南康汛 已上官兵及四至里數俱見前右營統轄

塘兵

上洋汛 烏家汛 長坑塘 新立塘 烏泥塘 南(虫旁)蛇塘 芋蒙塘 已上官兵額及距城里數俱見前右營統轄專司傳遞公文右營並轄望山之丹竹賣粥塘

俸餉

總兵一員歲支養廉銀一千五百兩 俸薪心紅紙張蔬菜燭炭銀五百一十一兩五錢七分六釐 津貼銀四千八百兩 坐馬八匹料米草束銀七十兩零伍錢六分

中衛游擊一員歲支養廉銀同舊制 俸薪心紅紙張蔬菜燭炭銀同舊制 津貼銀一千九百二十兩 坐馬四匹料米等泐銀三十五兩二錢八分

都司一員歲支養廉銀二百六十兩 俸薪心紅紙張蔬菜燭炭銀一百四十一兩三錢九分四釐 津銀貼一千六百八十兩

坐馬三匹料米草束銀二十六兩四錢六分

守備一員歲支養廉銀同舊制 俸薪心紅紙張蔬菜燭炭銀同舊制 津貼銀一千四百四十兩 坐馬三匹料米草束銀二

十六兩四錢六分

千總每員歲支養廉銀同舊制 俸薪公費銀同舊制 津貼銀一百八十兩 馬二匹料米草束銀一十七兩六錢四分

把總每員歲支養廉銀同舊制 俸薪公費銀同舊制 津貼銀一百二十兩 戰馬二匹料草銀如例

外委無俸薪每員歲支養廉銀同舊制 餉銀同舊制 津貼銀九十六兩 糧米三石六斗 戰馬一匹料草銀如例

額外外委無廉俸薪每員歲支餉銀一十八兩遇閏加一兩錢 津貼銀七十二兩 糧米三石六斗 戰馬一匹料草銀如

例

馬戰兵每名歲支餉銀糧米戰馬一匹料草俱同舊制

步兵 守兵 每名歲支餉銀糧米俱同舊制

左營公費派員赴廣東藩庫請領俸廉餉糧料草束銀派員赴高慶道庫請領

右營俸廉餉草束銀派員赴藩庫請領糧米一半赴陽江領一半赴信宜領津貼銀赴廣東善後處請領

裁汰官兵

光緒二十六年奉文裁兵二成三十一年又奉文裁汰官兵

左營裁守備一員 小江汛千總一員 九汛武利汛把總二員 存城外委千總一員 吳屋汛石塘汛石埔汛外委把總

三員 存城額外委一員 馬兵六名 步兵二十二名 守兵一百七十七名

右營裁都司一員 存城千總一員 南康汛烏家汛陸汛汛把總三員 存城外委千總一員 高德汛那彭汛外委把總二

員 存城額外外委一員 八字山汛額外外委一員 馬兵二名 步兵三十一名 守兵一百二十五名

實存官兵

北海鎮總兵一員 中衛游擊一員 左營存城千總一員 公信汛把總一員 張黃汛常樂汛白沙汛外委三員 開口汛額外外委一員 右營大觀港汛千總一員 北海汛把總一員 西場汛外委千總一員 福成汛外委把總一員 上洋汛額外外委一員 左營馬兵一名 步兵四十名 守兵四十四名 右營步兵十四名 守兵伍十三名

俸餉總計

總兵一員歲支銀六千捌百捌十二兩一錢三分六釐

游擊一員歲支銀二千五百八拾六兩六錢二分

千總二員歲支銀七百三十一兩二錢八分

把總二員歲支銀五百二十七兩二錢八分

左營外委三員歲支銀四百四十八兩零二分

左營額外外委一員歲支銀一百零一兩三錢四分

左營馬戰兵一名歲支銀三十五兩三錢四分

左營步兵四十名歲支銀七百二十兩米一百四十四石

左營守兵四十四名歲支銀五百二十八兩米一百五十八石四斗

右營外委二員歲支銀二百九十八兩六錢八分

右營額外外委一員歲支銀一百零一兩三錢四分

右營步兵十四名歲支銀二百伍十二兩米五十石零四斗

右營守兵五十三名歲支銀六百三十六兩米一百九十石零八斗

總計官兵歲支俸餉共銀一萬三千八百四十八兩零二分六釐步守兵米五百四十三石六斗每斗銀七分析合銀三十八兩零五分二釐

今考台浦古營古墩臺道光時久成陳跡守禦千戶所之旗兵守寨守關之狼兵亦名存而實亡由道光癸巳而來經九十餘年官署檔案蕩然無遺私家著述皆無記載其爲何年裁汰不可得而詳也經制兵官遊擊守備千總把總外委存城各一員汛地各有千把外委兵單遇寇則募勇防勦故人心之恃兵不如其恃勇寇熾則調省兵鄰郡兵來援此咸同以後維持地方之兵事大略也光緒癸未甲申間法人侵我越南朝廷命將督師出鎮南關大挫法人於關前坳克復諒山文淵等處法人震龍言脚電京求停戰議款廷議以法分犯閩疆軍事方亟允之款議成綢繆牖戶注重邊防戊子設北海鎮總兵改廉營遊擊爲北海鎮左營遊擊增設北海鎮右營都司改廉營守備爲北海鎮中軍守備兵制乃略變焉

合浦縣志序

民紀庚午之秋國器奉命歸宰鄉邑瀕行陳省主席銘樞相語曰邑志失修多歷年所事關桑梓之掌故子其有意於斯乎逮履任查考民紀乙卯陸鎮守使世儲陸縣知事杏林開志局纂修遴員分區採訪乃訪稿甫就緒而此爭迭作兵亂相尋諸市政城四鄉亦遭匪躡泯芬不戢志事因以中輟迄今十有五載原有之令纂員採訪員物故大半爰求曾與志事者得劉前局長西綢許前分纂瑞業任以編輯慎鉛提筆逾一歲而書成夫廉郡鄰接交夷扼兩廣西路邊樞亦粵東南路重鎮海岸綫交通便利合浦實附郭焉累朝夷氛寇禍山海兼防當局擘畫經營陳迹具存謨猷堪溯雖新編縣志屬於一邑範圍第上下相制前後相承道府雖將之理民整軍不可不備登方策道光間張太守育十旁春續修志訖於壬辰精博詳覈蔚然承明著作之才計至宣統辛亥相去垂八十祀此中時事之遷變制度之損益殆更僕難數同光間凌明經漢林明經仲輝皆相繼修縣志未卒厥業所遺鈔本半湮月久悉付草中旁盡致數十寒暑之事迹幾同杞宋無徵今自道光壬辰而上取張志所記載者臚列於前以傳高文典冊道光癸巳而降則就存留之訪稿兼廣摭私家之著述折衷參訂蘊於碣當分類凡十有四目爲書凡十有六卷舉土地人民之廣衆典章政教之昭垂治亂得失之流傳名物象數之繁賾旁及軼聞舊事爲志乘所遺載者庶弗網羅而紀述之洪纖並錄本末胥賅然則此志告成固足以考見吾鄉之歷史而斯文所在經編者鈎稽拾竟從前未竟之功揆諸抱遺訂墜之初衷其亦可以不負與哉在元點澹濼將付剞劂乃敘其原委於簡端

中華民國二十有一年春二月廖國器雲程書於合浦縣政府邸